

黔陽縣志卷之二

湖廣辰州府沅州黔陽縣知縣張扶翼編撰  
湖廣辰州府黔陽縣知縣王光電增輯

城郭論

城郭所以爲衛也衛欲其完也以時修葺俾令完固此綢繆桑土之義也守土者之責也攷黔邑之城數百年來毀於苗者一於水者二築而完之者凡四嗣而守之以保聚我人民則茲之礪山帶河扼吭漚黔控引吳會者亦一楚塞之一保障也作城郭志

黔邑舊爲土城正統己巳毀於苗明年庚午靖遠

黔陽縣志

卷之二

伯王公驥命指揮楊茂董築土城周圍二百八十餘丈成化壬辰邑人奏請展城甃石從之都御史吳公琛命靖州衛指揮陶武辰州府同知李公嵩拓之東北展築一百七十丈周五里通甃以石爲五門門有樓城有串屋據山臨江其險足恃因徙置黔陽哨堡居其中沅州衛歲撥官兵戍守正德辛未水溢浸灌城趾東南傾圮知縣伊公秉完之隆慶五年大水僅存西北一隅知縣劉公輔卒於衡相繼捐修構樓其上東曰寅賓西曰安遠南曰

迎薰新南曰宣化北曰拱宸拓東隅二里以培地  
軸萬曆四十六年知縣韓公冲斗因串樓傾圮歲  
煩補葺所費不貲乃改設露碑爲女牆者四百丈  
有奇 鼎革之後東西北三門樓隍頽廢康熙四  
年知縣張扶翼撤而更新之名則仍舊城堞以完  
原存上南門迎薰樓新南門宣化樓康熙六年火  
燬知縣張扶翼重建康熙九年迎薰宣化二樓又  
燬於火康熙五十三年知縣劉訥偕典史李德楙  
重建康熙二十七年洪水驟汎踰城女牆倒沒無

存知縣于棟如捐建自康熙三十年後歷任相沿  
至雍正六年知縣王光電蒞任城垣之倒塌者十  
之七八城樓之朽壞者十之五六閱視之餘捐脩  
工料飯食每歲于農隙時督率匠役修理至壬子  
秋工竣城垣城樓較舊制更爲堅固完整惟五門  
歷未加釘鐵皮似難垂久亦非所以保固邊方隨  
購辦鐵木親率典史段廷繡督理五門悉用包釘  
觀瞻以肅上南門立有碑記

張官置邑凡以爲治也治必有署作縣署以居縣之  
官曰縣之署屬以佐治作屬署以居屬之官曰屬之  
署行署司以布德宣化署雖廢名仍舊焉所以重建  
置也治莫先於教作學宮以居先師之神作學署以  
居其師與徒曰學之署而坊里之社附焉陰醫學附  
焉治莫大於養設際畱豫備諸倉以備出易養濟院  
以恤憊振孤皆得以其類附焉而治成矣然而廢與  
崇替之故其數可得而攷其名可得而稽也作邑署  
志

縣治在南門內仍宋舊址洪武初知縣郭公原建  
後燬於寇景泰庚午重建年久傾圮成化庚寅知  
縣張公銘重建規模陋隘成化甲辰知縣陳公綱  
區畫而更新之正堂三間區曰牧愛燬於兵焚堂  
之背爲後廳自後廳而入爲知縣宅堂之前爲抱  
廳左側爲贊政廳今存右側爲架閣庫各三間左  
右翼六房鼎革時悉燬於兵左之前爲祠以祀  
土神又前爲常平倉右之前爲獄以處囚犯中之  
前爲儀門三間又前則鼓樓也鼓樓舊制獨偉其

向癸丁與堂異勢歲久不支康熙三年知縣張扶翼撤而新之審正方面赤寶爲屏規模以立有記堂之後作軒數楹匾曰退思其西側作堂三間面臨赤寶匾曰望山有記則康熙四年乙巳之四月也儀門之左舊有寅賓館後廢亦於是年八月重建今俱廢堂之前作左右翼六房則康熙五年春也是年冬重建敷政堂縣治之規始備抱廳轉而東西爲縣丞主簿宅官省署亦廢今建常平西倉卽主簿宅基也後儀門傾毀康熙四十八年知縣

周溥修建康熙五十六年知縣武弘登捐俸重建自頭門以至內室悉皆整理雍正六年知縣王光電大堂前建立面廊儀門內甬道建戒石碑亭儀門外添建外禁又於內署建社王祠大堂懸毋自欺匾額川堂懸琴堂額由抱廳而前東一區爲典捕廳康熙四年典史王中煌重修安江巡檢司署在安江縣東九十里今仍舊洪武初設盧黔驛今廢行署布政分司按察分司俱在縣治東洪武申建景泰辛未知縣李公友直重建弘治十七年縣丞

雷公果更新之正廳後廳俱三間書房內房俱二  
間門二重各三間今俱廢

小公館左縣治之左係民蓋與綬地其右則舊司  
官地也 鼎革時邑爲木陸之衝草創以候 各  
臺按臨時所憩舍者也今仍之以舊司隙地照前  
後廣深丈尺撥給蓋與綬爲業省建置重民力也  
板溪舖公館縣南第三舖又前則馬鞍山縣之南  
界也舊建草署三層康熙三年知縣張扶翼拓後  
地增建後堂三間周圍置木柵今廢

南木舖公館縣北第五舖縣之北界也舊建草署  
三層山狹地區因陋就簡其地勢誠有然者康熙  
三年知縣張扶翼展闢後山兩翼各建內房三間  
前置班房各二廚廁門柵悉備今廢

儒學舊鄰縣治建於宋元豐中歲久而圯淳熙間  
唐令介壽徙於普明寺東地偏隘弗稱嘉泰中錢  
令備遷於縣城外西隅羅令方峙別爲禮殿詳黃  
幣記制度未備寶慶初饒令敏學復加完飾詳魏  
了翁記元至正間監縣朶兒赤雲甫更新之詳曠

復祖記 年既久遠兵燹數罹記悉無存 洪武初郭令原重建正統

間燬於苗天順辛未曹令如禮以水患重遷城內

縣治之北成化辛卯謫丞胡深重修嘉靖丙午署

縣王令璇遷於縣治東龍標山蓋城中突出之奇

也其向西萬曆丙子牟令衡重修文廟明倫堂啟

聖祠廟東名宦鄉賢祠俱學外崇禎七年知縣龐

公承胤移向南 鼎革之後頽於兵燹康熙三年

知縣張扶翼同訓導梁光乾增修殿廡啟聖各祠

櫺星門外規制備隘康熙四年知縣張命工益拓

黔陽縣志

卷之二

而前築土甃石與龍標古剎坊並移置櫺星門其

上規制益弘敞矣然名宦鄉賢兩祠猶未備也康

熙五年知縣張扶翼同訓導梁光乾復捐俸修建

歷年已久康熙四十九年知縣劉訥因地勢褊窄

詳請 各上憲同教諭黃朝楷訓導黃景行移置

西關外倚城臨江兼乙辛丁癸向面金斗山增修

大殿兩廡 啟聖各祠大成門外東名宦祠西鄉

賢祠 櫺星門外東賢門德配天地西賢門道冠

古今 明倫堂在 學宮之左兩學署在 學宮

兩旁康熙五十五年知縣武弘登偕闔邑紳士唐有瑞危調等協力捐建有碑記在明倫堂

御書萬世師表四字知縣于棟如恭製匾額懸之殿前今上御書生民未有四字前署縣吳大燁恭製匾額懸

之殿中

平定青海告成太學碑雍正八年三月初一日教諭岳士俊訓導俞國式捐俸摹刻敬立 學宮雍正十年三月天大風雨

聖殿兩廡檣星門照牆諸處悉皆倒壞知縣王光

黔陽縣志

卷之二

電同教諭岳士俊訓導俞國式各捐已俸偕闔邑紳士唐國極黃振舉危調向高舉等協力修整始仍其舊

社學里各設之縣坊社學在縣治拱辰門內成化癸卯知縣陳公綱重建續改置新南門內長街東今廢

議學康熙五年冬知縣張扶翼奉撫部三韓周公建門堂節垣規制悉備邑生童肄業其中

雍正八年知縣王光電同教諭岳士俊訓導俞國式暨闔邑紳士黃振舉唐國極危調向高舉等協

力捐助創建義學於城內龍標山因舊有文昌祠  
闢而廣之前為門樓中為講堂後為諸弟子學舍  
凡十餘間仍奉文昌神座於其中兩旁建小耳房  
以為炊爨之所知縣王光電書鹿洞遺規四字匾  
額並用朱文公夜立伊川門外雪風生明道坐中  
春二語鐫為聯懸諸庭中每月朔望詣文昌帝  
君前行禮畢親為講學其中又勉力捐俸延請師  
傅俾學者得有所取法焉立有碑記

陰陽學縣西

醫學縣西今俱廢

黔陽縣志

卷之二

僧會司縣東

今為龍標寺

道會司縣北

即今元豐觀

際畱豫備二倉俱在縣北

儒學舍在學西齋

養濟院在縣治北今俱廢

武備論

一邑之治文以敷教武以修備凡以安民而固圉也  
黔邑與苗為隣堡寨之設大都為禦苗計而或興或  
廢則繫於其時今武備亦漸弛矣苗雖不敢一如昔  
時越境而崇然而黑夜躡入人宅火人之廬盜牛於  
野亦稍稍竊發矣里民妄謂其竊耳曾不之虞因蕩



然盡去其防夫慮患貴於未然制人者不制於人武之善經也鑒於前乃以善後作武備志

駐防縣屬有三一在木城一在熟坪一在桐灣本城駐防衙署原建於縣治之左康熙五十八年知

縣武弘登因地勢褊窄改建北門內

教場城北半里演武廳三間門一座民壯於此簡練迨兵火毀廢知縣武弘登重脩雍正十年天大

風雨演武廳照牆悉皆倒塌知縣王光電重修並顏其堂曰敦詩說禮

黔陽堡舊在城南對河大江渡口城之川徙於縣西門內與元靈觀並今廢

竹灘堡城南二十里

安江堡城東九十里土民避苗其上亦名雙崖寨今並廢

黔陽縣志

卷之二

赤寶寨在黔江之南

金斗寨在縣西牛路

雙巖寨即安江堡

尖巖寨城東七十里茶陵

飛龍寨城東七十里岩門

金峯寨城東九十里

瑪瑙寨城東九十里龍田

張家寨城東一百里波羅田

石板寨城東一百四十里酒溪

岩寨城東六十里中方

穿巖寨城東五十里近共

同響寨城東二百二十里同響

大角尖寨

城南三十里高聳入雲中產薇蕨王馬兵亂時民保聚其上多所全活產竹可資用

黃牛寨

城西四十里托口以上各寨皆土民保聚以避苗害者今皆廢

宮室論

邑之有宮室也非以為觀也及其盛衰興廢之故而  
人事氣化在其中矣今邑所謂宮室之美吾不及見  
矣為覽其遺址之所存及夫父老所傳說猶得彷彿  
其勝槩焉坊巷之間重闈廣室峻宇雕牆編戶多然  
所謂土木盛矣臣懼其不安人者也若夫樵樓以戒  
昏旦之節樓楹以壯金湯之防坊額以表貞賢之里  
亭臺以節勞逸之政脩而治之是亦有司者之事也  
觀美云乎哉作宮室志

鼓樓 在縣治儀門外康熙三年知縣張扶翼重立詳

金湯志 卷之二 十

敬愛坊 在縣門外 儒林坊 在學南

旬宣坊 在布政分司右 澄清坊 在按察分司左

旌善亭 在縣治東 申明亭 與旌善並

益簪亭 在縣城東 澄練亭 在縣城西南以上今皆廢

奎光閣 在東門學街明溪經其前今學改置閣亦廢

迎薰樓 在正南門城上今懸日麗重閣額 宣化樓 在新南門城上今懸赤寶雲達額

寅賓樓 在東門城上今懸啟明曉望額 安遠樓 在西門城上今懸水天一色額

拱辰樓 在北門城上今懸遙拱天樞額以上三樓康熙四年知縣張扶翼重建雍正十年知縣王

光電五門悉行修建懸匾製立柵欄

寶山書院舊在城南亦寶山之麓宋寶慶初饒令敏學初置後廢成化間縣令陳公鋼改建縣東門外面臨赤寶因以祀唐昭烈宋饒敏學詳仇僅記今廢

面山草堂在縣治後成化癸卯縣令陳公建今廢 退思軒在縣堂後

望山堂退思軒西康熙四年俱知縣張扶翼建今廢

進士坊為進士廖時雨立 步蟾坊為舉人向以箴立

登雲坊為舉人陳文愷立 騰霄坊為舉人段景清立

登瀛坊為舉人周霖立 文奎坊為舉人蔣誠立

摧秀坊為舉人向寧立 折桂坊為舉人蔣昂立

雙節坊一門雙節為節婦黃氏楊氏立 四節坊為烈女向晚女節婦向氏二田氏立

節婦坊為瞿氏立以上各坊皆燬於兵 孝子坊孝子危階雍正六年奉 青建坊

節孝坊節婦李氏雍正六年奉 青建坊

### 橋梁論

先王之教曰水洄成梁梁所以濟涉也黔邑棧山湮谷以通道路環邑皆是也或以舟濟或以石甃或以木棧因其宜也顧山水峻湍恒苦衝決非歲歲脩治不為功收是土者以時巡於路扶傾補缺互甃而甃互棧而棧斯力少而功多耳不然鮮不病涉者也沿其舊有名者列之篇其權而濟者不載渡則以其類

附焉作橋梁志

登龍橋 縣南一里成化間知縣陳公鋼重建

羅圍溪橋 城北五十里通懷化土民潘喜脩

中溪橋 城北二里產鮑魚味美下有出泉而其名曰可泉

長坡溪橋 城東九十里安江土民李若彪等脩

大兵溪橋 城南二十里康熙二年知縣張扶翼重脩

魚藏溪橋 在縣江東南二十里通洪江路界兩山之

間水易衝決康熙四年邑令張扶翼捐俸令僧重建行旅便之

黔江渡 在縣南門外大江

黔陽縣志

卷之二

沅水渡 縣西門外小江通沅州兩江渡船舊出渡夫

自辦狹隘破漏每值差繁馬多黑夜急渡輒有所失康熙元年知縣張扶翼捐造濶船二隻時加脩給以濟往來

安江渡 城東九十里知縣張扶翼設渡船並渡亭

中方渡 縣北五十里

路通沅州